



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ  
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77


N 91/13423

< 20 06 2023թ.

Ալեն Արմենի Ադամյանին  
Հասցե՝ Սյունիքի մ., ք. Կապան, Բաղաբերդ թղմ. 18/39

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բողոքարկման վարույթի ընթացքում թիվ 8300586304 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ «3 » թերթ:

Պերի պարտականությունների ժամանակավոր  
կատարող, ոստիկանության գնդապետ՝  Ա. Մաթևոսյան

Կատ. Ա.Գույումջյան

## Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 12.05.2023թ.-ին կայացված 8300586304 որոշումն անփոփոխ, իսկ վարչական բողոքն առանց բավարարման թողնելու մասին

«19» 06 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ՝ Ա. Մաթևոսյանս, վերանայելով Ալեն Արմենի Ադամյանի (Այսուհետ դիմող) 18.05.2023թ.-ի (ՊԾ ստացված 19.05.2023թ.-ին) դիմումի քննարկման արդյունքում ստեղծված նյութերը,

## Պ Ա Ր Զ Ե Ց Ի

12.05.2023թ.-ին՝ ժամը 23:27-ին, Երևան քաղաքի Մոսկովյան փողովում՝ ՀՀ ՆԳՆ պարեկային ծառայության Երևան քաղաքի գնդի ավագ պարեկ Սուրեն Փաշայանը ծառայություն իրականացնելիս նկատել է, որ քաղաքացի Ալեն Ադամյանը, տեսադաշտում հետիոտնային անցման առկայության պայմաններում, երթևեկելի մասը հատել է հետիոտնային անցումից դուրս:

Դիմողի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի (այսուհետ՝ ՎԻՎՕ) 131-րդ հոդվածի 3-րդ մասի համաձայն՝ կայացվել է որոշում՝ վերջինիս 5.000 ՀՀ դրամի չափով տուգանելու մասին:

Դիմողը բողոքով խնդրել է վերացնել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 12.05.2023թ.-ին կայացված թիվ 8300586304 որոշումը:

Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողը հրավիրվել է պարեկային ծառայության վարչական բողոքների քննության բաժանմունք:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 12.05.2023թ.-ին կայացված 8300586304 որոշումը ենթակա է կատարման հետևյալ պատճառաբանությամբ.

«Ճանապարհային երթևեկության անվտանգության ապահովման մասին» ՀՀ օրենքի 25-րդ հոդվածի 6-րդ մասի համաձայն՝ հետիոտները պետք է երթևեկելի մասը հատեն հետիոտնային անցումներով, իսկ դրանց բացակայության դեպքում՝ խաչմերուկներում՝ մայրերի կամ կողնակների ուղղությամբ:

Նույն հոդվածի 7-րդ մասի համաձայն՝ եթե տեսադաշտում բացակայում են հետիոտնային անցում և խաչմերուկ, ապա բաժանարար գոտի կամ սլափնեղ չունեցող ճանապարհները թույլատրվում է հատել երթևեկելի մասի եզրին ուղղահայաց, երկու կողմերից լավ տեսանելի հատվածներում:

ՀՀ ՆԳՆ ոստիկանության պարեկային ծառայության Երևան քաղաքի գնդի ավագ պարեկ Սուրեն Փաշայանի կողմից տրված պարզաբանման համաձայն՝ անմիջապես իր տեսադաշտում, իրեն ակնհայտ և պարզ տեսանելի իրադրության պայմաններում քաղաքացի Ալեն Ադամյանը իր տեսադաշտում հետիոտնային անցման առկայության պայմաններում երթևեկելի մասը հատել է հետիոտնային անցումից դուրս, ինչի կապակցությամբ իր կողմից կազմվել է վարչական իրավախախտման վերաբերյալ արձանագրություն և կայացված թիվ 8300586304 որոշմամբ Ալեն Ադամյանը տուգանվել է 5.000 ՀՀ դրամի չափով:

ՎԻՎՕ-ի 131-րդ հոդվածի 3-րդ մասի համաձայն՝ հետիոտների կողմից ճանապարհի երթևեկելի մասը հատելու կարգը խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Ինչ վերաբերում է դիմումատուի վարչական ակտը անվավեր ճանաչելու խնդրանքին, ապա անհրաժեշտ եմ համարում նշել, որ ՀՀ Սահմանադրության 6-րդ հոդվածի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:


Անդրադառնալով դիմողի պնդմանը՝ ապա հարկ եմ համարում նշել, որ ոստիկանության պարեկային ծառայության կանոնագիրքը հաստատելու մասին» ՀՀ ՆԳՆ ոստիկանության պետի թիվ 36-Լ հրամանի 23-րդ կետի՝ պարեկային կարգախմբում ընդգրկվում են առնվազն երկու պարեկային ծառայող, 45-րդ կետի

համաձայն՝ պարեկային ծառայողն իր ծառայողական պարտականությունները կատարելիս լիազորված է իրավախախտում կատարած լինելու վերաբերյալ հիմնավոր կասկած ունենալու դեպքում՝ քաղաքացիներից պահանջել ներկայացնել իրենց անձը հաստատող փաստաթղթերը. կազմել վարչական իրավախախտումների վերաբերյալ արձանագրություններ, իրականացնել օրենքով սահմանված այլ գործողություններ:

Այսպիսով, գտնում եմ, որ դիմումատուի արարքում առկա են ՎԻՎՕ-ի 131-րդ հոդվածի 3-րդ մասով նախատեսված իրավախախտման հատկանիշները, ուստի ելնելով վերոգրյալից և ղեկավարվելով ՎԻՎՕ-ի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 12.05.2023թ. կայացված թիվ 8300586304 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գլուխ:

Պետի պարտականությունների ժամանակավոր  
կատարող, ոստիկանության գնդապետ՝  Ա. Մաթևոսյան